

Broj: U.D.01.04.-16816/20  
Sarajevo, 25.12.2020.godine

Na osnovu člana 45. Statuta "JP BH POŠTA" d.o.o. Sarajevo člana 70. Zakona o javnim nabavkama ("Službeni glasnik BiH" broj: 39/14) i Pravilnika o javnim nabavkama Društva, te preporuke Komisije za nabavku usluga tekuće održavanje vozila i mopeda za potrebe CP Mostar broj: 10.6.-11-9-9194-28/20 od 18. 12. 2020. godine, Uprava Društva na 46. elektronskoj sjednici održanoj dana 25.12.2020. godine, d o n o s i:

## O D L U K U

### o poništenju postupka nabavke usluga: tekuće održavanje vozila i mopeda za potrebe CP Mostar

#### I

Ovom Odlukom poništava se postupak nabavke usluga: tekuće održavanje vozila i mopeda za potrebe CP Mostar, broj Obavještenja o nabavci na Portalu JN : **238-7-2-428-3-146/20** od 11. 08. 2020. godine; zbog toga što su svi ponuđači sa rang-liste uspješnih ponuđača (dva ponuđača) odbili potpisati ugovor pod uslovima navedenim u tenderskoj dokumentaciji i ponudi koju su dostavili u postupku E-aukcije.

#### II

Stavlja se van snage Odluka o izboru najpovoljnijeg ponuđača broj U.D.01.04.-12683/20 od 30.09.2020. godine.

#### III

Ova Odluka stupa na snagu danom donošenja.

## OBRAZLOŽENJE

I - Na osnovu Odluke Uprave Društva broj: U.D.01-04.-9317/20 od 14. 07. 2020. godine o pokretanju postupka javne nabavke kojom se odobrava nabavka usluga tekućeg održavanja vozila i mopeda za potrebe CP Mostar i Rješenja o imenovanju Komisije broj: 01-11-9-9194-2/20 od 21. 07. 2020. godine, kao i saglasnosti Generalnog direktora na tendersku dokumentaciju, proveden je postupak javne nabavke putem konkurentskog postupka javne nabavke sa objavljivanjem Obavještenja o nabavci na Portalu JN broj: **238-7-2-428-3-146/20** od 11. 08. 2020. godine, te izvršeno javno otvaranje ponuda dana 3. 9. 2020. godine u 12<sup>15</sup> sati sati, što je konstatovano zapisnikom sa otvaranja ponuda.

Na osnovu Zapisnika Komisije Broj: 10.6.-11-9-9194-15/20 od 25. 9. 2020. godine o pregledu i ocjeni ponuda u postupku nabavke sa preporukom za dodjelu ugovora, uprava Društva donijela je Odluku br: U.D.01.04. -12683/20 od 30.09.2020. godine kojom se ugovor dodjeljuje ponuđaču "HERCEGOVINA AUTO" d.d. Mostar kao najpovoljnijem ponuđaču.

II - Na odluku o izboru najpovoljnijeg ponuđača žalbu je uložio ponuđač Auto servis "PEZIĆ" d.o.o Mostar, čija ponuda nije bila kompletna i nije dostavljena u skladu sa tenderskom dokumentacijom, tako da ne ispunjava sve pravne, ekonomske i tehničke uslove utvrđene tenderskom dokumentacijom, te je ista ocjenjena kao formalno-pravno, ekonomski i tehnički neprihvatljiva, iz kojih razloga ponuđač nije ni učestvovao u postupku e-aukcije.



III - Odmah po uloženoj žalbi, obavještenjem broj: 10.6.6-11-9-9194-19/20 od 12. 10. 2020. godine obustavljen je dalji postupak javne nabavke do očitovanajna U.R.Ž.

Ured za razmatranje žalbi Zaključkom broj: JN2-03-07-1-2942-7/20 od 12.11.2020. godine je **odbacio žalbu** ponuđača "Auto servis Pezić" Mostar izjavljenu na Odluku o izboru najpovoljnijeg ponuđača broj: U.D.01.04-12683/20 od 30.09.2020. godine.

IV - Pravosnažnošću odluke o izboru najpovoljnijeg ponuđača, dopisom Broj: 10.6.6-11-9-9194-26/20 od 19. 11. 2020. godine ponuđač **"HERCEGOVINA AUTO" d.d. Mostar** obavješten je o nastavku postupka i pozvan na potpisivanje ugovora. Istekom ostavljenog roka za potpisivanje ugovora, komisija je konstatovala da najpovoljniji ponuđač nije pristupio potpisivanju ugovora, niti se izjasnio o naknadno ostavljenom terminu za potpis.  
**Komisija takođe konstatuje da najpovoljniji ponuđač "HERCEGOVINA AUTO" d.d. Mostar, nije dostavio u zakonskom roku ni dokumentaciju iz čl. 45 – 50 ZJN, pa ni do dana 20. 11. 2020. godine, kada je pozvan na zaključenje ugovora.**

U skladu sa odredbama člana 72 st. 3 tačka a, b, e i f, komisija je aktom broj: 10.6.6-11-9-9194-26/20-1 od 23. 11. 2020. godine uputila poziv na zaključenje ugovora **drugorangiranom ponuđaču "AUTO BEVANDA" doo Mostar**, koji je narednog dana 24. 11. 2020. godine pismeno obavjestio ugovorni organ da nije zainteresovan za potpis ugovora pod uslovima iz date ponude, odnosno odbio je da potpiše ugovor.

V. Shodno gore navedenom, Komisija je donijela Zaključak da su ispunjeni uslovi iz člana 69. stav 2. ZJN BiH za poništenje postupka nabavke, obzirom da su nastupile okolnosti koje onemogućavaju zaključenje ugovora a iste su izvan kontrole ugovornog organa; te dala preporuku ugovornom organu da se postupak poništi, uz prijedlog da se pokrene ponovni postupak nabavke. Cijeneći preporuku Komisije, ugovorni organ u skladu sa odredbama čl. 70 stav 4 donosi Odluku kao u dispozitivu.



GENERALNI DIREKTOR

mr.sci. Mirsad Mujić

#### PRAVNA POUKA:

Svaki ponuđač koji ima legitiman interes za konkretan ugovor o javnoj nabavci i koji smatra da je ugovorni organ u toku konkretnog postupka dodjele ugovora prekršio jednu ili više odredbi Zakona o javnim nabavkama i/ili podzakonskih akata ima pravo uložiti žalbu ugovornom organu u roku od 5 (pet) dana po prijemu odluke o izboru, shodno članu 99. i članu 101. Zakona o javnim nabavkama.

#### DOSTAVITI:

- Ponuđačima
- Centru pošta Mostar
- Službi marketinga (za objavu)
- Sektoru za EKF
- Odjeljenju za J.N.
- U.D.
- a/a

